



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

5. Vnius socij damnatio, alteri est occasio ad salutem.

urn:nbn:de:hbz:466:1-45701

derem esse Deum. Ita seductum mors oppresit; & diuino stitit tribunalis; ubi tamquam hereticus aeterna damnationis sententiam, a justissimo judice accepi. Dixit, & ex oculis amici euanuit.

Qua in re se diuina bonitas patefecit: nam, quæ Epuloni illi non concessit, ut ex mortuis vnu ad quinque illius fratres mitteretur; hunc ex ipso Orco ad socium misit, qui admoneret. Vbi & illud ferè impletum est; *Dico vobis: in illa nocte erunt duo in lecto uno; unus assumetur, & alter relinquetur;* vt relictus sit stimulus assumpti. Quippe superstes alter, partim socij jacturâ, partim spectri tam diri suppicio ac confessione perculsus, rem non solùm secum, sed etiam cum intimis quibusque amicorum consultandam ratus, communis omnium sententia statuit; fidem Ecclesiæ Catholicae & renouandam animo, & exercitio assiduo iterandam. Paulò pòst cœpit & ipse ægrotare, in quo morbo etiam obiit diem suum. Sed & ad illum jam successu audacior venit cacodæmon, eumque interrogauit, quid crederet? Respondit, se credere, quod crederet mater Ecclesia. Instat hostis: Quid ergo credit mater Ecclesia? Respondit Ecclesiam credere, quod ipse; & se, quod Ecclesia crederet. Ita, præsentibus alijs, usque ad extremum spiritum, velut per circulum, trahebat cacodæmonem. Paucis diebus elapsis eleganti forma, & vultu radiosè beatus apparuit ijsdem suis amicis, atque illis pariter, pro salutari consilio, & Numini pro facta per damnum admonitione gratias egit. Addit Augustinus Viuus, apparuisse & damnatum, ac deplorasse suam superbiam, quæ eum scientiâ fecerat potius atque ingenio niti, quam fide & humilitate, qua hortatrice, Confessario & alijs, si tentationem detexisset, dæmonem vicisset. *Ua soli, quia, cum ceciderit, non habet subleuantem se.* Alter stetit, *Eccle. 4:10.* quia nixus Ecclesiæ autoritate fidem suam supra petram ædificavit. Sapuit iste alieno damno, utinam & nos ita sapiamus! Nemo præsumat de ingenio, nemo de doctrina; nemo sibi aut diabolo nimium fidat. *Qui stat, videat, ne cadat: oret, ne intret in tentationem.* Qui vicerit, ei manna dabitur; &, sicut post vietas tentationes Christo, Angeli ministrabunt. At pro dolor, eò deuentum est, ut paucissimi putent se tentari. Nemo periculosis tentatur, quam qui nescit, se tentari: cauentur, quæ præudentur,

V.

Luc. 17: 34.

1. Cor. 10: 12.

Matth. 4: 4.

890 Cap. LXIII. Cur alij bonū, alij malum vita finem consequantur
dentur, plures trahit fossa occultata. Causa est quod tam mul-
ti non sentiant se tentari, quia malum ad quod trahuntur, bonū
esse judicant, & semper consentiunt tentatori. Qui semper in fri-
gore est, nihil frigoris sentit; at qui è calido balneo exit, vel au-
ram etiam horret frigidorem. Sic pij, & charitate astantes,
sentient quidquid est cōtra Dei charitatem: illi autem, in quibus
refixit charitas, nihili faciunt quidquid demum offendat chari-
tatem. Vbi dæmon sagis stigma suum impressit, nihil dolent,
etiam si ferrum illuc immergatur: ita, qui sunt diaboli, non asti-
mant diaboli plagas. Primum remedium est temptationis, agno-
scere temptationes. Alterum, se ante pugnam exercere. Existi-
mas, miser, te non tentari? Offert tibi orcus Mundum & glo-
riam eius; offert alta & honores; offert panes, immō carnes in
quadragesima, & non tentari? Deseris DEVM & homines vt
conserues reputationem; juras, peieras, vt decipias lucri causas;
& qui in honestos motus ieconijs frangere deberes, carnem carne
pacis, vino irrigas; nec tamen putas te tentari? Nulla dies, nul-
la hora it sine tentatione, & non sentis te tentari? Certè ultimā
horā non eris sine tentatore, tentabit Mundus, tentabit caro,
tentabit diabolus, tentabit antiqua consuetudo. Quod si ergo
Theologus tam doctus, tam pius, est superatus, quid tibi in fide
tentato continget, qui ita rudis es, vt nec scias, quid sit creden-
dum, nec id legendo, audiendouē discere sustineas? quid tunc
facies miser, cūm spurcæ suggesterent cogitationes à carne; cūm
vindicta & odium inimici in mentem venerit? cūm diabolus
suggesserit desperationem; quibus iam non modò non assuefci
resistere, sed vltro annuis? Ah, miser, relipisce cum secundo
Theologo, ne damneris cum primo.

C A P V T . L X I I I .

Quare DEVS alios, qui diu bene vixerunt, male; alios,
qui malè vixerunt, bene mori sinat?

I.

 Ccvrret hīc plerisque cupiditas audiendi, quamob-
rem nonnulli, qui diu sanctissimè vitam duxerunt,
tandem tamen à D̄o permitti sint labi in graue pec-
catum;